

多名能生信心是人決定不墮地獄鬼趣傍
生於阿耨多羅三藐三菩提求無退轉我今
說是安忍波羅蜜多究竟圓滿利益安樂一
切衆生

大乘理趣六波羅蜜多經卷第六 多六

大乘理趣六波羅蜜多經卷第七 多七

大唐罽賓國三藏般若奉詔譯

精進波羅蜜多品第八

余時薄伽梵說是安忍波羅蜜多已時慈氏
菩薩摩訶薩即從座起偏袒右肩右膝著地
合掌恭敬而白佛言大聖世尊已說安忍波

羅蜜多應當廣說精進波羅蜜多菩薩摩訶
薩應云何住云何降伏云何修行云何圓滿
精進波羅蜜多惟願世尊分別廣說余時薄
伽梵告慈氏菩薩摩訶薩言善男子汝今諦
聽善思念之吾當為汝分別解說所謂修餘
五種波羅蜜多皆精進力而能成就精進波

羅蜜多謂身口意此三善業皆因精進方得
發生於三業中意業最勝菩薩摩訶薩修習
意業有二種心一者精進二者退轉所謂發
起菩提心是精進止息菩提心是退轉云何
發起於諸有情起大悲故云何止息住我空
故云何發起攝取一切衆生故云何止息捨
一切衆生故云何發起於生死中無疲倦故
云何止息求出三界故云何發起堅持淨
故云何止息輕心不施故云何發起堅持淨
戒故云何止息毀犯戒故云何發起善住安
忍故云何止息不修忍辱故云何發起修集
善根故云何止息懈怠懶惰故云何發起住
禪定故云何止息心散亂故云何發起智慧
相應故云何止息無明相應故云何發起多
聞善說故云何止息不聞正法故云何發起
積集智慧故云何止息取相分別故云何發
起觀蘊如幻故云何止息於蘊生厭故云何
發起知處如夢故云何止息永滅根境故云

何發起觀界無生故云何止息滅身滅智故云何發起增長梵行故云何止息捨實智慧故云何發起五通自在故云何止息厭離有漏故云何發起正觀念處故云何止息不修念住故云何發起正斷相應故云何止息不行正斷故云何發起神足自在故云何止息

神足不具故云何發起勤習五根故云何止息不增五根故云何發起樂修五力故云何止息不修五力故云何發起圓滿覺支故云何止息不具七覺故云何發起勤修正道故云何止息不修八正故云何發起修奢摩陀故云何止息不善修止故云何發起正觀緣

多七

二

生故云何止息厭患緣生故云何發起聞所未聞故云何止息以有所聞故云何發起以戒嚴身故云何止息厭患蘊身故云何發起辯說無礙故云何止息無學默然故云何發起修習三解脫門故云何止息不修三解脫門故云何發起降伏魔怨故云何止息樂著

涅槃故云何發起善修方便故云何止息愛樂寂靜故云何發起進求不息故云何止息所作已辦故云何發起了俗諦故云何止息證滅諦故佛告慈氏如是種種精進行法皆精進力而能圓滿無增無減方能利益一切衆生所以者何以能遠離一切相故皆由智

力而能圓滿精進波羅蜜多云何菩薩摩訶薩修智事業所謂修習大定大悲不捨有爲證真無爲不退不轉乃至無上正等菩提慈氏當知此即菩薩摩訶薩意業清淨精進波羅蜜多

復次慈氏菩薩摩訶薩有四種精進云何爲

四所謂未生不善能令不生已起不善速令除滅未生之善當令速生已起之善能令增長慈氏當知此即菩薩摩訶薩四種精進若無此四云何圓滿精進波羅蜜多菩薩摩訶薩所起精進乃至布施持戒安忍精進難捨能捨難作能作如是種種難事精勤勇猛心

多七

無懈倦所修勝行一切諸天釋梵護世所不能作何以故菩薩摩訶薩廣度衆生出生死海而無所度皆精進力之所成辦是則名爲精進波羅蜜多復次慈氏懈怠衆生所修事業功德微少猶如水滴不至大海懈怠之人亦復如是不能得至無上菩提譬如有人手

足俱無行住坐卧不得隨意乃至微小作業皆不成就如是之人豈能越度江河大海懈怠衆生無精進足亦復如是此嬾墮人於家事業尚無所成豈有慈悲具修戒慧能度有情出於火宅修行菩薩六波羅蜜菩提資糧菩薩摩訶薩以精進波羅蜜多而爲船筏三

無數劫福智所成與諸有情同乘此船超越生死大海彼岸復次世間衆生總有三種一者懈怠二者非勤非墮三者精勤勇銳言懈怠者於己家務悉亦棄捨況能爲佗營建事業非勤非墮者於大事業都不能作設欲進求遇縁便退勤精進者恒爲有情受大勞苦

但利益彼無念已身復次竊墮之人爲懈怠鬼常所拘執惑亂身心譬如有人入於大海至七寶山於是山中寶珠無量方欲採取爲鬼所著欵然之間途步而退不獲一寶裸露而歸懈怠衆生亦復如是此贍部洲福德之地十善業功來生其中菩薩觀之無量無邊

十善珠寶徧滿大地而諸衆生爲懈怠鬼之所魅著狂亂失心設見妙寶都無取心如妙高山不可移動若精進人取斯寶物不足爲難如舉一毛菩薩摩訶薩爲欲圓滿精進波羅蜜多普爲衆生從無量劫生死長夜不惜軀命勤行精進方至菩提菩薩觀之心無懈怠猶如食頃復更思惟過去諸佛行菩薩行爲欲滿足六波羅蜜經無量劫亦如食頃菩薩摩訶薩復觀現在未來無量無邊一切諸佛行菩薩行經無量劫方成正覺如是劫數難可校量譬如城極爲高廣四面高下各

一粒如是劫數漸漸除一乃至城空爲一大劫如是大劫積數滿三阿僧企邪菩薩摩訶薩經如是劫常爲五趣一一有情勤行精進受諸苦惱方至菩提譬如大地末爲微塵如是微塵寧爲多不慈氏白佛言甚多世尊佛告慈氏假使衆生如彼塵數菩薩爲彼一一

有情如上劫中勤行精進不惜身命受諸苦惱然後乃成無上菩提菩薩摩訶薩復應如是思惟我於過去如前劫數勤加精進具足圓滿六種波羅蜜多得不退轉方至菩提作是思惟如是長遠勇猛精進況於人間年月劫數而比於彼如剎那頃而成正覺何不進求菩薩摩訶薩應勤精進堅固其心所捨頭目髓腦手足肢節無所恪惜如是思已一心精進恒無懈倦此即名爲菩薩摩訶薩精進波羅蜜多時薄伽梵而說頌言

世間諸果實 皆由精進生 大地水火風根塵由彼有 貪恚癡疑惑 皆由懈怠生
如草及壇石 一切無堪用 人若無精進
由精進安忍懈怠乏資財 家務悉不成

菩薩於此中 常懼如毒箭 懈怠諸男女
嬾墮無所成 有智勤精進 能成佛果位
愚癡嬾墮人 亦無世名稱

菩薩於此中 常懼如毒箭 懈怠諸男女
嬾墮無所成 有智勤精進 能成佛果位
智人常勇猛 是人開覺花 了達深義趣
世所不稱讚 若人無精進 如糞穢不淨
無善法資糧 無善法資糧

如草及壇石 一切無堪用 人若無精進
由精進安忍懈怠乏資財 家務悉不成
猶堪世所用 懈怠嬾墮人 譬如衣垢弊
端正不任用 亦如華鬘萎 如人有名稱
無忍無精進 非女亦非男 常懼他人語
卑賤多驕慢 如是無精進 虽有衆伎藝
如蛇無毒氣 跛無諸伎藝 決定皆成就
佛果大菩提 皆由精進力 如欲受使者
精進尊貴本 精進尊貴本 應當勤勇猛
必成無上果 恒住於精進 了達深義趣
無智執由天 邪見生死本

如草及壇石 一切無堪用 人若無精進
由精進安忍懈怠乏資財 家務悉不成
猶堪世所用 懈怠嬾墮人 譬如衣垢弊
端正不任用 亦如華鬘萎 如人有名稱
無忍無精進 非女亦非男 常懼他人語
卑賤多驕慢 如是無精進 虽有衆伎藝
如蛇無毒氣 跛無諸伎藝 決定皆成就
佛果大菩提 皆由精進力 如欲受使者
精進尊貴本 精進尊貴本 應當勤勇猛
必成無上果 恒住於精進 了達深義趣
無智執由天 邪見生死本

智者住正見 捨天而精進 應當勤勇猛
 能度於彼天 愚劣無精進 捨勤而事天
 智者樂精勤 遠離於天教 天命及精進
 愚智有差殊 信天邪見因 精進招勝果
 如有地無種 耕墾何所益 無勤亦復然
 天命何所獲 譬如風吹火 隨小漸成大

精進亦復然 善法而增廣 能行諸難行
 而獲增勝果 身命無惜惜 當紹於法王
 尔時佛告慈氏菩薩摩訶薩求菩提時擐精進甲以大誓願而爲器仗日夜精勤增長功德猶初白月漸漸圓滿譬如有人聞彼遠方有佛舍利牢堵法塔及有善說正法之人此

人聞已歡喜踊躍不待資糧車乘伴侶徒跣而往詣彼塔廟所經道路唯是猛火及布利刀是人勇銳其心不退決定前進達於彼所瞻禮佛塔聽聞正法於火刃中舉足下足步思惟而發是願我於今日刀火中行得聞正法願我當於生死大苦之中拔濟有情置

於涅槃安樂之處菩薩摩訶薩發是願已雖踐刀火如履蓮華足下柔軟如須曼那華復似旃檀香水而灑其上清涼芬馥無以爲喻復作是願我從今日乃至無上正等菩提於是中間身口意業常作佛事若行餘事願我此身如枯槁木口說餘言願我瘡痘意思餘法願我狂亂除正法外自餘音教無所樂著如是三業所修諸善皆悉迴向無上菩提復願一切衆生成正覺功德無盡廣大如法界究竟若虛空窮未來際無有休息譬如虛空密雲彌布降注大雨若至陸地砂鹵之處不久便乾若雨一滴入大海中海水未竭其多七
六

雨無盡菩薩所作功德亦復如是若爲自身求於解脫如陸地雨不久還乾若爲法界一切有情修於善業投涅槃海以大悲願衆生無盡善亦無盡復次慈氏譬如菩薩壽命無量往於東方經過無量俱胝三千大千世界所經國土衆生之類悉皆令得大般涅槃安

樂之處如是無量阿僧祇劫廣度衆生我今觀之如爪上土其未度者如大地土如是東方世界未度既然南西北方四維上下亦復如是雖有如是無量有情菩薩摩訶薩亦不厭捨而生退轉勤行精進終無休息菩薩摩訶薩能發如是廣大之心無有少法難修行

者於三界中所有福智尊貴自在無勞功力自然得之佛告慈氏菩薩摩訶薩於諸世間所有過去現在未來一切衆生學無學人及辟支佛如是有情精勤修集無量無邊所有功德比於如來一毛功德百千萬分不及其一如是所有一一毛端皆從如來無量功德

多七

之所出生如來之身一切毛端所有功德共成如來一髮功德如是佛髮八萬四千一一髮中各具如上毛端功德如是合集共成如來一隨好功德如是隨好具八十種一一好中各有如上佛髮功德如是合集共成如來一相功德如是諸相具三十二各具如上隨

好功德如是合集至百千倍成佛眉閒毫相功德其相圓滿婉轉右旋如頰脣迦寶明淨鮮白夜闇之中猶如明星毫相舒之上至色界阿迦膩吒天捲之如舊復爲毫相於眉間住以此毫相所有功德至百千倍成佛頂上肉髻之相所有功德無有人天能見頂者如

是肉髻千倍功德不及如來梵音聲相所有功德其聲下徹阿鼻地獄上至色界究竟天中如是所說無量功德皆是如來大悲化現如是化身皆由無量功德集成無比無喻無與等者如是化身千倍功德成佛報身如是報身所有功德百千萬倍成佛法身所有功德笑知其量若有善男子善女人聞說諸佛如來無邊功德不驚不怖不畏者當知是人成就精進波羅蜜多應發如是廣大之心佛身功德無量福聚我今觀之誓當修證勤行精進不惜身命爲一切衆生於無量劫受三塗苦心不生悔皆令圓滿具足成就六種波

羅蜜多得成無上正等菩提

佛告慈氏菩薩摩訶薩善男子應當諦觀佛之智慧汝今諦聽當爲汝說如舍利弗諸聲聞中智慧第一此瞻部洲北廣南狹如頸車相周而七千踰繕那量東勝身洲形如半月周而八千踰繕那量西牛貨洲形如滿月周

而九千踰繕那量北拘盧洲地形方周而十千踰繕那量妙高山王其相四方入水八萬踰繕那量衆寶所成出水量等四寶合成周圍四面各有八萬踰繕那量次外即有金山七重周而圍遶有八海水最外復有大鐵圍山如是四洲及諸山王用爲紙素八大海

多七

八

水以爲其墨一切草木用爲其筆一切人天一切書寫已舍利弗所得智慧十六分中不及其一又於此三千大千世界其中衆生所有智慧如舍利弗等無有異菩薩摩訶薩了達布施波羅蜜多所有智慧過彼百倍又此三千大千世界所有衆生皆具布施波羅蜜

多智慧不及一菩薩摩訶薩所得淨戒波羅蜜多智慧乃至般若波羅蜜多亦復如是又此三千大千世界所有衆生皆具如是六種波羅蜜多智慧不及一初地菩薩摩訶薩所得智慧乃至十地菩薩摩訶薩所得智慧展轉倍增亦復如是又此十地菩薩所得智慧比汝慈氏一生補處菩薩摩訶薩所得智慧百千分中不及其一時慈氏菩薩摩訶薩聞佛語已而作是念今者如來在大衆中作是稱讚深生悚慄尔時佛薄伽梵告慈氏菩薩摩訶薩言善男子汝今諦聽於此三千大千世界一切衆生所有智慧皆如慈氏等無有異如是等菩薩摩訶薩詣菩提樹坐於道場降伏魔怨將成正覺所有智慧於佛如來所得智慧百千萬分不及其一慈氏當知如來智慧甚深無量不可思議亦非譬喻之所校量若菩薩摩訶薩聞是諸佛甚深智慧不驚不怖不畏者應加精進成就波羅蜜多懈怠

多七

九

之人世間小善尚不成就況於如來大智彼岸而能廣度一切衆生

復次慈氏有三種精進云何爲三一者聞此甚深如來廣大智慧心不傾動二者能隨過去諸菩薩摩訶薩大悲之行三者所行之行設逢苦難心不退轉又以精進力觀察一切

世出世間情非情境皆悉是空以觀如是勝義空故無一衆生有相可得雖知無相而爲衆生於無數劫修諸苦行不辭勞倦常以四攝布施愛語利行同事攝取有情教以三乘令得解脫次復安置於最上乘得不退轉一切行願皆悉成就具足圓滿精進波羅蜜多

諸佛如來與受記別近無等等無上菩提猶如白月十四日夜漸向圓滿菩薩亦於佛菩提漸向圓滿得無功用自然獲得十種勝事云何爲一者諸佛正法不由聽習而悉現前能爲有情宣說妙法二者不思議力自然能發堅固誓願能令一切衆生發菩提心

三者而得自在身口意業隨願現生一切無礙四者能現種種神通變化隨心自在無所障礙五者能作希奇未曾有事皆得自在六者受生自在於五趣中隨機利益而能生彼七者寶藏隨生賙給無盡八者常爲心師不師於心無有卒暴如調伏象九者自然覺悟

生死涅槃二皆平等不由師訓十者得無上智利樂有情於生死中拔濟令出置於三乘涅槃正路究竟無上正等菩提復次精進之人於生死中說諸過患顯大涅槃無量功德大悲般若常所輔翼由斯不住生死涅槃利樂有情窮未來際是即精進波羅蜜多復次精進之人聽聞正法總持自在以精進力身無疾病一切怨害慈心相向毗那夜迦作障礙者無所能爲菩薩言教悉皆承順復次精進之人一切諸天恭敬愛念危難之中一切善神之所擁護復次精進之人小有所施而能圓滿檀波羅蜜多復次精進之人護持淨戒

多七

十

不爲嬾惰之所攝受速能圓滿淨戒波羅蜜多復次精進之人善能安忍怨親平等無有二心速能圓滿安忍波羅蜜多復次精進之人勇猛不退被精進甲大慈大悲恒不捨離速能圓滿精進波羅蜜多復次精進之人勤修靜慮於三摩地安住不動速能圓滿禪波

羅蜜多復次精進之人多聞智慧諷誦無倦而無懈怠速能圓滿般若波羅蜜多然此般若波羅蜜多甚深大海一切聲聞獨覺及諸菩薩無有方便而能測量唯有精進波羅蜜多而能究竟復次精進之人日夜增長無量功德如青蓮華生淤泥中日夜增長漸舒出

水其華開敷香氣芬馥見者咸悅取以作鬘置佛頂上若天魔梵國王大臣長者居士一切人民皆悉愛樂精進之人亦復如是於彼生死淤泥之中生菩提芽出二乘執開真實相顯示涅槃種智敷榮香氣芬馥徧十方界利益人天如青蓮華人皆愛樂是則名爲精

進波羅蜜多復次懈怠之人猶如春杵有二種事一者不能自使日益損壞二者不能自立棄地即臥漸不堪用以火焚之嬾惰之人亦復如是一者不自策使色力日減二者不能勤理家業常臥睡眠身壞命終地獄火中焚燒受苦精進之人如如意樹在於生死曠野之中與諸有情作歸依處飢渴之者爲作飲食裸露之者而作衣服乃至能度生死險難盡此形壽無所乏少令一切衆生安隱快樂以精進力速能成就阿耨多羅三藐三菩提時薄伽梵說此精進波羅蜜多時會中七十八俱胝那庾多若人若天皆發阿耨多羅

三藐三菩提心三萬二千菩薩摩訶薩皆得無生法忍至不退轉佛告慈氏此即名爲精進波羅蜜多

大乘理趣六波羅蜜多經卷第七 多七

杭州路東北錄事司安國坊太平巷居住奉
佛管承興大師輦真吃刺教心持

故父管僧錄遺下秘密經板一部捨入平江路磧砂寺
大藏經坊一處安頓永遠印造流通祝延

聖壽願大吉祥如意者

至正十三年二月十六日奉 佛管肇真吃刺謹施

大乘理趣六波羅蜜多經卷第八 多八

大唐罽賓國三藏 般若奉 詔譯

靜慮波羅蜜多品第九

爾時佛薄伽梵處種種摩尼寶王師子之座
爲無量無數大菩薩摩訶薩衆之所圍遶是
諸菩薩或現天身天衆圍遶或現龍身龍衆
圍遶乃至或現非人身非人衆圍遶或現菩
薩身菩薩衆圍遶光明晃曜普及大會靡不
周徧時慈氏菩薩摩訶薩即從座起徧袒右
肩右膝著地合掌恭敬而白佛言大聖世尊
以大慈悲利益安樂諸菩薩衆已說精進波
羅蜜多惟願哀愍宣說靜慮波羅蜜多令諸

有情起大乘行云何思惟云何修習如是靜
慮波羅蜜多而得圓滿惟願宣說我等樂聞
爾時薄伽梵告慈氏菩薩摩訶薩言善哉善
哉善男子汝今能問如是深義利益安樂一
切有情汝等諦聽善思念之吾當爲汝分別
解說若善男子善女人發阿耨多羅三藐三

菩提心應作如是諦念思惟佛道懸遠無人
能到唯有一法饒益有情所謂正定若諸菩
薩未獲此定其心未得清淨不動生死涅槃
無有二相由此義故爲度衆生以巧方便精
勤修習相應靜慮無相正智猶如虛空清淨
無垢常住不變復觀此定猶如滿月一切妄
想猶若浮雲又此正定起智如清涼風能除
虛空一切雲翳朗然清淨光明照耀一切有
情見皆生喜如是滿月光明莊嚴能施有情
清涼安樂如是定慧清涼之風能除性空妄
想雲翳正定滿月出現世間大悲光明能除
有情諸煩惱熱使得清淨安樂涅槃爾時薄